


LITURGIA HORARUM

IN CANTU GREGORIANO



DOMINICA VII PER ANNUM

ANNO B

AD I VESPERAS

D E-us, ✚ in adiu-tó-ri- um me- um inténde. ʀ. Dómi-
ne, ad adiuvándum me festí-na. Gló-ri- a Patri, et Fí- li- o,
et Spi-rí-tu- i Sancto. Si-cut e-rat in princí-pi- o, et nunc,
et semper, et in sæcu-la sæcu-ló-rum. Amen. Alle-lú-ia.

Hymnus

IV
D E-us, cre- á- tor ómni- um po-líque rector, vé-sti-
ens di- em de-có-ro lúmi-ne, noctem so-pó- ris grá-ti- a,

2. Artus solútos ut quies
reddat labóris úsui
mentésque fessas állevet
luctúsque solvat ánxios,

3. Grates perácto iam die
et noctis exórtu preces,
voti reos ut ádiuves,
hymnum canéntes sólvimus.

4. Te cordis ima cóncinant,
te vox canóra cóncrepet,
te díligat castus amor,
te mens adóret sóbria,

5. Ut cum profúnda cláuserit
diem calígo nóctium,
fides tenébras nésciat
et nox fide relúceat.


6. Christum rogámus et Patrem,
Christi Patrísque Spíritum;
unum potens per ómnia,
fove precántes, Trínitas. Amen.

Psalmodia



S

IT nomen Dómi-ni * be-ne-díctum in sæcu-la.



E u o u a e.

PSALMUS 112

Laudabile nomen Domini

Deposuit potentes de sede et exaltavit humiles (Lc 1, 52).

Laudáte, púeri Dómini, *

laudáte nomen Dómini.

Sit nomen Dómini benedíctum *

ex hoc nunc et usque in sæculum.

A solis ortu usque ad occásus *

laudábile nomen Dómini.

Excélsus super omnes gentes Dóminus, *

super cælos glória eius.

Quis sicut Dóminus Deus noster, qui in altis hábitat *

et se inclínat, ut respíciat in cælum et in terram?

Súscitans de terra ínopem, *
 de stércore érigens páuperem,
 ut cóllocet eum cum princípibus, *
 cum princípibus pópuli sui.
 Qui habitáre facit stérilem in domo, *
 matrem filiórum lætántem.

II d

C A- li-cem * sa-lu-tá- ris accí-pi- am et nomen Dó-
 mi-ni invo-cábo. E u o u a e.

PSALMUS 115

Gratiarum actio in templo

Per ipsum (Christum) offeramus hostiam laudis semper Deo (Hebr 13, 15).

Crédidi, étiam cum locútus sum: *
 «Ego humiliátus sum nimis».
 Ego dixi in trepidatióne mea: *
 «Omnis homo mendax».
 Quid retríbuam Dómino *
 pro ómnibus, quæ retríbuit mihi?
 Cálicem salutáris accípiam *
 et nomen Dómini invocábo.
 Vota mea Dómino reddam *
 coram omni pópulo eius.
 Pretiósá in conspéctu Dómini *
 mors sanctórum eius.

O Dómine, ego servus tuus, *
ego servus tuus et fílius ancíllæ tuæ.

Dirupísti víncula mea: †
tibi sacrificábo hóstiam laudis *
et nomen Dómini invocábo.

Vota mea Dómino reddam *
coram omni pópulo eius,
in átriis domus Dómini, *
in médio tui, Ierúsalem.

f

H Umi-li- á-vit semet-ípsum * Dómi-nus Ie- sus,
propter quod et De- us ex-altá-vit il-lum in sǽcu-la.
E u o u a e.

CANTICUM

Phil 2, 6-11

De Christo, servo Dei

Christus Iesus, cum in forma Dei esset, *
non rapínam arbitrátus est esse se æquálem Deo,
sed semetípsum exinanívit formam servi accípiens, †
in similitúdinem hóminum factus; *
et hábitu invéntus ut homo,
humiliávit semetípsum †
factus obædiens usque ad mortem, *
mortem autem crucis.

Propter quod et Deus illum exaltávit †
 et donávit illi nomen, *
 quod est super omne nomen,
 ut in nómine Iesu omne genu flectátur *
 cæléstium et terréstrium et infernórum
 et omnis lingua confiteátur: *
 «Dóminus Iesus Christus!», in glóriam Dei Patris.

Lectio brevis

Hebr 13, 20-21

Deus pacis, qui edúxit de mórtuis pastórem magnum óvium in
 ságuine testaménti æténi, Dóminum nostrum Iesum, aptet
 vos in omni bono, ut faciátis voluntátem eius, fáciens in nobis,
 quod pláceat coram se per Iesum Christum, cui glória in sæcula
 sæculórum. Amen.

Responsorium breve

Q Uam magni-fi-cá-ta sunt * Ope-ra tu- a, Dó-
 mi-ne. ∷. Omni- a in sa-pi- énti- a fe- cís-ti. ∷. Gló-ri-
 a Patri, et Fí-li- o, et Spi-rí-tu- i Sancto.

Magnificat

VII a

S

Api- énti- a * ædi- fi- cá- vit si- bi domum, excí- dit
colum- nas sep- tem ; súbdi- dit si- bi gentes, superborúmque
et sublími- um col- la própri- a vir- tú- te calcá- vit.

E u o u a e.

CANTICUM EVANGELIUM

Lc 1, 46-55

Exsultatio animæ in Domino

Magníficat ✠ *

ánima mea Dóminum,
et exsultávit spíritus meus *
in Deo salvatóre meo,
quia respéxit humilitátem ancíllæ suæ. *
Ecce enim ex hoc beátam me dicent omnes generatiónes,
quia fecit mihi magna, qui potens est, *
et sanctum nomen eius,
et misericórdia eius in progénies et progénies *
timéntibus eum.
Fecit poténtiam in bráchio suo, *
dispérsit supérbos mente cordis sui;

depósuit poténtes de sede *
et exaltávit húmiles;
esuriéntes implévit bonis *
et dívites dimísit inánes.
Suscépit Israel púerum suum, *
recordátus misericórdiæ,
sicut locútus est ad patres nostros, *
Abraham et sémini eius in sæcula.

Preces

Christus pópuli esuriéntis misértus est et prodígia pro illo sui
operátus est amóris. Quorum mémores pia devotióne eum
precémur:

Amórem tuum osténde nobis, Dómine.

Confitémur, Dómine, ómnia benefícia nobis hódie de tua boni-
táte processísse:

— ne revertántur ad te vácuæ, sed fructum áfferant in corde
bono.

Lux et salus ómnium géntium, custódi testes quos in univérsum
orbem misísti, — Spíritus in eis ignem accénde.

Fac ut mundum ad præcelléntem dignitátem ipsíus omnes magis
confórment,

— quátenus, te regénte, urgentióribus ætátis nostræ postulatióni-
bus generóse respóndeat.


Animárum médice et córporum, ægrótos álleva, moriéntibus
adésto, — et in tuis miseratió nibus nos vísita et réfove.

Defúntos inter beátos annumeráre dignéris,
— quorum nómina sunt in libro vitæ.


P A-ter noster, qui es in cæ-lis, sancti-fi-cé-tur no-
men tu-um ; advé-ni-at regnum tu-um ; fi-at vo-lúntas
tu-a, sic-ut in cæ-lo, et in terra. Panem nostrum
co-ti-di-ánum da no-bis hó-di-e ; et dimít-te no-bis dé-
bi-ta nostra, sic-ut et nos dimít-timus de-bi-tó-ri-bus nos-
tris ; et ne nos indú-cas in tenta-ti-ó-nem, sed lí-be-ra
nos a ma-lo.

Oratio

Præsta, quæsumus, omnípotens Deus, ut, semper rationabília meditántes, quæ tibi sunt plácita, et dictis exsequámur et factis. Per Dóminum.



D ómi-nus vo-bíscum. ⁊ Et cum spí-ri-tu tu-o.



Be-ne-dí-cat vos omní-po-tens De-us, Pa-ter, et Fí-li-us,



et Spí-ri-tus Sanctus. ⁊ Amen.



I - te, in pa-ce. ⁊ De-o grá-ti-as.

AD LAUDES MATUTINAS

D E-us, ✚ in adiu-tó-ri- um me- um inténde. ʀ. Dómi-
ne, ad adiuvándum me festí-na. Gló-ri- a Patri, et Fí- li- o,
et Spi-rí-tu- i Sancto. Si-cut e-rat in princí-pi- o, et nunc,
et semper, et in sæcu-la sæcu-ló-rum. Amen. Alle-lú-ia.

Hymnus

I
Æ - térne re-rum cón-di-tor noctem di- émque qui re-
gis et témpo-rum das témpo-ra ut álle-ves fastí-di- um,

2. Præco diéi iam sonat,
noctis profúnda pèrvigil,
noctúrna lux viántibus
a nocte noctem ségregans.

3. Hoc excitátus lúci-fer
solvit polum calígine;
hoc omnis errónum chorus
vias nocéndi désérit.

4. Hoc nauta vires cōlligit
pontique mitēscunt freta;
hoc, ipse Petra Ecclēsiaē,
canēnte, culpam dīluit.

5. Iesu, labāntes rēspice
et nos vidēdo cōrrige;
si rēspicis, lapsus cadunt
fletūque culpa sōlvitur.

6. Tu, lux, refūlge sēnsibus
mentisque somnum dīscute;
te nostra vox primum sonet
et vota solvāmus tibi.

7. Sit, Christe, rex piīssime,
tibi Patrique glória
cum Spīritu Paráclito,
in sempiterna sæcula. Amen.

Psalmodia

IV e

R Egná-vit Dómi-nus, * de-có-rem indú-tus est.

E u o u a e.

PSALMUS 92

Magnificētia Domini creatoris

*Regnavit Dominus, Deus noster omnipotens. Gaudeamus et exsultemus et demus
gloriam ei (Ap 19, 6. 7).*

Dóminus regnāvit! Decórem indútus est; *
indútus est Dóminus, fortitúdine præcínxit se.


Etenim firmávit orbem terræ, *
qui non commovébitur.

Firmáta sedes tua ex tunc, *
a sæculo tu es.

Elevavérunt flúmina, Dómine, †
elevavérunt flúmina vocem suam, *
elevavérunt flúmina fragórem suum.

Super voces aquárum multárum, †
super poténtes elatiónes maris, *
potens in altis Dóminus.

Testimónia tua credibília facta sunt nimis; *
domum tuam decet sanctitúdo,
Dómine, in longitúdinem diérum.



CANTICUM

Dn 3, 57-88.56

Omnis creatura laudet Dominum

Laudem dicite Deo nostro, omnes servi eius (Ap 19,5).

Benedícite, ómnia ópera Dómini, Dómino, *
laudáte et superexaltáte eum in sǽcula.

Benedícite, cæli, Dómino, *
benedícite, ángeli Dómini, Dómino.

Benedícite, aquæ omnes, quæ super cælos sunt, Dómino, *
benedícat omnis virtus Dómino.

Benedícite, sol et luna, Dómino, *
benedícite, stellæ cæli, Dómino.

Benedícite, omnis imber et ros, Dómino, *
benedícite, omnes venti, Dómino.

Benedícite, ignis et æstus, Dómino, *
benedícite, frigus et æstus, Dómino.

Benedícite, rores et pruína, Dómino, *
benedícite, gelu et frigus, Dómino.
Benedícite, glácies et nives, Dómino, *
benedícite, noctes et dies, Dómino.
Benedícite, lux et ténebræ, Dómino, *
benedícite, fúlgura et nubes, Dómino.
Benedícat terra Dóminum, *
laudet et superexáltet eum in sæcula.
Benedícite, montes et colles, Dómino, *
benedícite, univérsa germinántia in terra, Dómino.
Benedícite, mária et flúmina, Dómino, *
benedícite, fontes, Dómino.
Benedícite, cete et ómnia quæ movéntur in aquis, Dómino, *
benedícite, omnes vólucres cæli, Dómino.
Benedícite, omnes béstiæ et pécora, Dómino, *
benedícite, filii hóminum, Dómino.
Bénedic, Israel, Dómino, *
laudáte et superexaltáte eum in sæcula.
Benedícite, sacerdótes Dómini, Dómino, *
benedícite, servi Dómini, Dómino.
Benedícite, spíritus et ánimæ iustórum, Dómino, *
benedícite, sancti et húmiles corde, Dómino.
Benedícite, Ananía, Azaría, Mísael, Dómino, *
laudáte et superexaltáte eum in sæcula.
Benedicámus Patrem et Fílium cum Sancto Spíritu; *
laudémus et superexaltémus eum in sæcula.
Benedíctus es in firmaménto cæli *
et laudábilis et gloriósus in sæcula.
In fine huius cantici non dicitur Gloria Patri.



PSALMUS 148

Præconium Domini creatoris

*Sedenti super thronum et Agno benedictio et honor et gloria et potestas in sæcula
seculorum (Ap 5, 13).*

Laudáte Dóminum de cælis, *
laudáte eum in excélsis.
Laudáte eum, omnes ángeli eius, *
laudáte eum, omnes virtútes eius.
Laudáte eum, sol et luna, *
laudáte eum, omnes stellæ lucéntes.
Laudáte eum, cæli cælórum, *
et aquæ omnes, quæ super cælos sunt.
Laudent nomen Dómini, *
quia ipse mandávit, et creáta sunt;
státuit ea in ætérnum et in sæculum sæculi *
præcéptum pósuit, et non præteríbit.
Laudáte Dóminum de terra, *
dracónes et omnes abýssi,
ignis, grando, nix, fumus, *
spíritus procellárum, qui facit verbum eius,
montes et omnes colles, *
ligna fructífera et omnes cedri,
béstiæ et univérsa pécora, *
serpéntes et vólucres pennátæ.
Reges terræ et omnes pópuli, *
príncipes et omnes iúdicez terræ,

iúvenes et vírgines, *
 senes cum iunióribus,
 laudent nomen Dómini, *
 quia exaltátum est nomen eius solíus.
 Magnificéntia eius super cælum et terram, *
 et exaltávit cornu pópuli sui.
 Hymnus ómnibus sanctis eius, *
 fíliis Israel, pópulo, qui propínquus est ei.

Lectio brevis

Ez 37, 12b-14

Hæc dicit Dóminus Deus: Ecce ego apériam túmulos vestros et edúcam vos de sepúlcris vestris, pópulus meus, et indúcam vos in terram Israel; et sciétis quia ego Dóminus, cum aperúero sepúlcrá vestra et edúxero vos de túmulis vestris, pópulus meus. Et dabo spíritum meum in vobis, et vivétis, et collocábo vos super humum vestram, et sciétis quia ego Dóminus. Locútus sum et fácio, ait Dóminus Deus.

Responsorium breve

C Hriste, Fi-li De- i vi-vi, * Mi-se-ré- re no-
 bis. ⁊ Qui sedes ad dexte-ram Patris. ⁊ Gló-ri- a Pa-
 tri, et Fí-li- o, et Spi-rí-tu- i Sancto.

Benedictus

D I d I-xit Iesus: * Ut sci- á-tis au-tem qui- a

Fí-li- us hó-mi-nis ha-bet pot-es-tá-tem in ter-ra dimit-

té-ndi peccá- ta - a- it pa-ra- lý-ti-co: Ti-bi di-co,

sur-ge tolle lectum tu- um et va-de in domum tu-am,

al-le- lú-ia. E u o u a e.

CANTICUM EVANGELIUM

Lc 1, 68-79

De Messia eiusque præcursore

Benedíctus ✠ Dóminus Deus Israel, *
 quia visitávit et fecit redemptiónem plebi suæ
 et eréxit cornu salútis nobis *
 in domo David púeri sui,
 sicut locútus est per os sanctórum, *
 qui a sæculo sunt, prophetárum eius,
 salútem ex inimícis nostris *
 et de manu ómnium, qui odérunt nos;
 ad faciéndam misericórdiam cum pátribus nostris *
 et memorári testaménti sui sancti,

iusiurándum, quod iurávit ad Abraham patrem nostrum, *
datúrur se nobis,
ut sine timóre, de manu inimicórum liberáti, *
serviámus illi
in sanctitáte et iustítia coram ipso *
ómnibus diébus nostris.
Et tu, puer, prophéta Altíssimi vocáberis: *
præibis enim ante fáciem Dómini paráre vias eius,
ad dandam sciéntiam salútis plebi eius *
in remissionem peccatórum eórum,
per víscera misericórdiæ Dei nostri, *
in quibus visitábit nos óriens ex alto,
illumináre his, qui in ténebris et in umbra mortis sedent *
ad dirigéndos pedes nostros in viam pacis.

Preces

Deum, qui misit Spíritum Sanctum, ut fieret lux beatíssima óm-nium córdium, deprecémur instántes:

Illúmina pópulum tuum, Dómine.

Benedíctus es, Deus, lux nostra,

— qui propter glóriam tuam ad diem novum nos perveníre fecísti.

Tu, qui per resurrectionem Fílii tui mundum illuminásti,

— per Ecclesiám tuam in omnes hómínes hoc lumen effúnde.

Qui Unigéniti tui discípulos per tuum Spíritum clarificásti,

— hunc emítte in Ecclesiám tuam, quæ sit tibi fidélis.


O lumen géntium, meménto eórum, qui adhuc in ténebris com-morántur,

— óculos áperi cordis eórum, ut te solum Deum verum agnós-cant.


P A-ter noster, qui es in cæ-lis, sancti-fi-cé-tur no-
 men tu-um ; advé-ni- at regnum tu-um ; fi- at vo-lúntas
 tu-a, sic-ut in cæ-lo, et in terra. Panem nostrum
 co-ti-di- ánum da no-bis hó-di- e ; et dimít-te no-bis dé-
 bi-ta nostra, sic-ut et nos dimít-timus de-bi-tó-ri-bus nos-
 tris ; et ne nos indú-cas in tenta-ti- ó-nem, sed lí-be-ra
 nos a ma-lo.

Oratio

Præsta, quæsumus, omnípotens Deus, ut, semper rationabília meditantes, quæ tibi sunt plácita, et dictis exsequámur et factis. Per Dóminum.



D ómi-nus vo-bíscum. ⁊ Et cum spí-ri-tu tu-o.
Be-ne-dí-cat vos omní-po-tens De-us, Pa-ter, et Fí-li-us,
et Spí-ri-tus Sanctus. ⁊ Amen.



I - te, in pa-ce. ⁊ De-o grá-ti-as.

AD II VESPERAS

D E-us, ✚ in adiu-tó-ri- um me- um inténde. ʀ Dómi-
ne, ad adiuvándum me festí-na. Gló-ri- a Patri, et Fí- li- o,
et Spi-rí-tu- i Sancto. Si-cut e-rat in princí-pi- o, et nunc,
et semper, et in sǽcu-la sǽcu-ló-rum. Amen. Alle-lú-ia.

Hymnus

VIII
L U-cis cre- á- tor ópti-me, lu-cem di- é- rum pró-fe-
rens, primórdi- is lu-cis novæ mundi pa-rans o-rí-gi- nem ;

2. Qui mane iunctum vésperi
diem vocári prǽcipis:
tætrum chaos illábitur;
audi preces cum flétibus.

3. Ne mens graváta crímine
vitæ sit exsul múnere,
dum nil perénne cógitat
seséque culpīs illigat.

4. Cælórum pulset íntimum,
vitále tollat præmium;
vitémus omne nóxium,
purgémus omne péssimum.

5. Præsta, Pater piíssime,
Patrique compar Unice,
cum Spíritu Paráclito
regnans per omne sáeculum.
Amen.

Psalmodia

VII c2



me- is. E u o u a e.

Quæ non repetitur in psalmo.

PSALMUS 109, 1-5. 7

Messias rex et sacerdos

*Oportet illum regnare, donec ponat omnes inimicos sub pedibus eius
(1 Cor 15, 25).*

Dixit Dóminus Dómino meo: *

«Sede a dextris meis,

donec ponam inimicos tuos *
scabéllum pedum tuórum».

Virgam poténtiæ tuæ emíttet Dóminus ex Sion: *
domináre in médio inimicórum tuórum.

Tecum principátus in die virtútis tuæ, †
in splendóribus sanctis, *
ex útero ante lucíferum genui te.

Iurávit Dóminus et non pænitébit eum: *
«Tu es sacérdos in ætérnum
secúndum órđinem Melchisedech».

Dóminus a dextris tuis, *
conquassábit in die iræ suæ reges.

De torrén-te in via bibet, *
proptérea exaltábit caput.

III a



M Agná ópe-ra Dómi-ni, * exqui-sí-ta in om-
nes vo-luntá-tes e-ius. E u o u a e.

PSALMUS 110

Magna opera Domini

Magna et mirabilia opera tua, Domine Deus omnipotens (Ap 15, 3).

Confitébor Dómino in toto corde meo, *
in consílio iustórum et congregatióne.

Magna ópera Dómini, *
exquirénda ómnibus, qui cúpiunt ea.

Decor et magnificéntia opus eius, *
et iustítia eius manet in sæculum sæculi.

Memóriam fecit mirábílium suórum, *
miséricors et miserátor Dóminus.

Escam dedit timéntibus se; *
memor erit in sæculum testaménti sui.

Virtútem óperum suórum annuntiávit pópulo suo, †
ut det illis hereditátem géntium; *
ópera mánuum eius véritas et iudícium.

Fidélia ómnia mandáta eius, †
confirmáta in sæculum sæculi, *

facta in veritate et æquitate.
 Redemptiōnem misit pópulo suo, *
 mandávit in ætérnum testaméntum suum.
 Sanctum et terríbile nomen eius. *
 Inítium sapiéntiæ timor Dómini,
 intelléctus bonus ómnibus faciéntibus ea; *
 laudátio eius manet in sæculum sæculi.

CANTICUM

Cf. Ap 19, 1-2. 5-7

De nuptiis Agni

VI

S A-lus et gló-ri- a et virtus De-o nostro, R. Alle-lú-
 ia. V. Qui- a ve-ra et iusta iu-dí-ci- a e-ius, R. Al-le- lú-ia,
 alle-lú- ia. V. Laudem dí-ci-te De-o nostro, omnes servi
 e-ius, R. Alle-lú-ia. V. Et qui timé-tis e- um, pu-síl-li et ma-
 gni, R. Alle- lú-ia, alle-lú-ia. V. Quó-ni- am regna-vit Dómi-
 nus, De-us noster omní-pot-ens, R. Alle-lú-ia. V. Gaude- ámus




et exsultémus et demus gló-ri- am e- i, R. Al-le- lú-ia,
 alle-lú-ia. V. Qui- a ve-né-runt núpti- æ Agni, R. Alle-lú-ia.
 V. Et uxor e-ius præpa-rá-vit se, R. Al-le- lú-ia, alle-lú-ia.

Lectio brevis

1 Petr 1, 3-5

Benedíctus Deus et Pater Dómini nostri Iesu Christi, qui
 secúndum magnam misericórdiam suam regenerávit nos in spem
 vivam per resurrectiónem Iesu Christi ex mórtuis, in hereditátem
 incorruptibilem et incontaminátam et immarcescibilem,
 conservátam in cælis propter vos, qui in virtúte Dei custodímini
 per fidem in salutem parátam revelári in témpore novíssimo.


Responsorium breve



B Ene-díctus es, Dó-mi-ne, * In firmamén- to cæ-
 li. V. Et lau-dá-bi- lis et glo-ri- ó-sus in sá-cu-la. V. Gló-
 ri- a Patri, et Fí-li- o, et Spi-rí-tu- i Sancto.

Magnificat

IV e



T U-lit ergo * pa-ra-lý-ti-cus lectum su-um in quo
ia-cé-bat, magní-fi-cans De-um; et omnis plebs, ut vi-
dit, de-dit laudem De-o. E u o u a e.

CANTICUM EVANGELIUM

Lc 1, 46-55

Exsultatio animæ in Domino

Magníficat ✠ *

ánima mea Dóminum,
et exsultávit spíritus meus *
in Deo salvatóre meo,
quia respéxit humilitátem ancillæ suæ. *
Ecce enim ex hoc beátam me dicent omnes generatiónes,
quia fecit mihi magna, qui potens est, *
et sanctum nomen eius,
et misericórdia eius in progénies et progénies *
timéntibus eum.
Fecit poténtiam in bráchio suo, *
dispérsit supérbos mente cordis sui;
depósuit poténtes de sede *
et exaltávit húmiles;
esuriéntes implévit bonis *
et dívites dimísit inánes.

Suscépit Israel púerum suum, *
recordátus misericórdiæ,
sicut locútus est ad patres nostros, *
Abraham et sémini eius in sæcula.

Preces

Deum, qui mundum, olim creátum, redemptiône recreávit et
semper rénovat amóre, lætántibus ánimis invocémus:

Rénova mirabilia amoris tui, Dómine.

Grátias tibi, Deus, qui poténtiam tuam in univérsa creatiône
revélas,

— et in mundi cursu providéntiam maniféstas.

Per Fílium tuum, pacis præcónem et in cruce victórem,

— ab ináni timóre ac desperatiône nos líbera.

Omnibus, qui iustítiam díligunt atque colunt,

— concéde, ut sine dolo ad ædificándum mundum in vera pace
cooperéntur.

Adesto opprèssis, captívos líbera, míseros consoláre, panem trí-
bue esuriéntibus, firmitátem concéde debílibus,

— victóriam crucis in ómnibus osténde.

Qui Fílium tuum post mortem et sepultúram ad glóriam mirabí-
liter suscitásti,

— defúntcos ad vitam cum eo perveníre concéde.

P 
A-ter noster, qui es in cæ-lis, sancti-fi-cé-tur no-

men tu-um ; advé-ni- at regnum tu-um ; fi- at vo-lúntas



tu-a, sic-ut in cæ-lo, et in terra. Panem nostrum
 co-ti-di- ánum da no-bis hó-di- e; et dimít-te no-bis dé-
 bi-ta nostra, sic-ut et nos dimít-timus de-bi-tó-ri-bus nos-
 tris; et ne nos indú-cas in tenta-ti- ó-nem, sed lí-be-ra
 nos a ma-lo.

Oratio


Præsta, quæsumus, omnipotens Deus, ut, semper rationabília
 meditántes, quæ tibi sunt plácita, et dictis exsequámur et factis.
 Per Dóminum.



Dómi-nus vo-bíscum. ⁊ Et cum spí-ri-tu tu-o.
 Be-ne-dí-cat vos omní-po-tens De-us, Pa-ter, et Fí-li-us,



et Spí-ri-tus Sanctus. ⁊. Amen.



I - te, in pa-ce. ⁊. De-o grá-ti-as.